



Bosna i Hercegovina
Federacija Bosne i Hercegovine
Kanton Sarajevo – Grad Sarajevo
OPĆINA CENTAR SARAJEVO
OPĆINSKI NAČELNIK

Broj: 02-11-5699/20

Datum ~~31-05-2021~~ godine

Na osnovu člana 69. stav (3), člana 70. stav (4) i (6) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 25. i člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), u skladu sa Obavijesti Službe za investicije, komunalni razvoj i planiranje od 21.05.2021.godine u vezi postupka javne nabavke za izvođenje radova na regulaciji Koševskog potoka, putem otvorenog postupka, a na prijedlog Službe za javne nabavke, zajedničke poslove i informatiku, Općinski načelnik d o n o s i:

O D L U K U

o poništenju Odluke o izboru prvorangirane ponude „GRAKOP” d.o.o. Kiseljak broj: 02-11-5699/20 od 16.11.2020.godine i poništenju postupka javne nabavke za izvođenje radova na regulaciji Koševskog potoka, putem otvorenog postupka

I

Poništava se Odluka o izboru prvorangirane ponude „GRAKOP” d.o.o. Kiseljak broj: 02-11-5699/20 od 16.11.2020.godine u postupku javne nabavke za izvođenje radova na regulaciji Koševskog potoka, putem otvorenog postupka, u skladu sa članom 69. stav (3) Zakona o javnim nabavkama.

II

Poništava se postupak javne nabavke za izvođenje radova na regulaciji Koševskog potoka, putem otvorenog postupka, u skladu sa članom 69. stav (3), zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, jer se nisu stekli uslovi za provođenje Odluke o izboru prvorangirane ponude „GRAKOP” d.o.o. Kiseljak broj: 02-11-5699/20 od 16.11.2020.godine.

III

U skladu sa članom 70. stav (4) i (6) Zakona, Općina Centar Sarajevo, kao Ugovorni organ će ovu Odluku objaviti na svojoj internet stranici: www.centar.ba, te će se Obavještenje o poništenju javne nabavke objaviti na Portalu javnih nabavki.

IV

Ova Odluka će se dostaviti svim učesnicima u postupku javne nabavke.

O b r a z l o ž e n j e

Postupak javne nabavke za izvođenje radova na regulaciji Koševskog potoka, pokrenut je Odlukom o pokretanju postupka broj: 02-11-5699/20 od 06.10.2020. godine. Procijenjena vrijednost javne nabavke bez PDV-a iznosila je 162.400,00 KM. Nabavka je pokrenuta putem otvorenog postupka, sa utvrđenim kriterijima „ekonomski najpovoljnija ponuda” 1. Cijena 95% i 2. Rok izvođenja 5%.

Na Portalu javnih nabavki objavljeno je Obavještenje o nabavci broj: 848-1-3-198-3-158/20 od 07.10.2020.godine. Nakon objavljenog postupka i tenderske dokumentacije, izvršeno je javno otvaranje ponude, te je na prijedlog Komisije za nabavku roba, vršenje usluga i dodjelu radova donesena odluka o prihvatanju ponude ponuđača „GRAKOP” d.o.o. Kiseljak Na Odluku o izboru prvorangirane ponude prihvatanju nije bilo žalbi, te je ista postala

pravosnažna dana 03.12.2020.godine. Istog dana, Služba za javne nabavke, zajedničke poslove i informatiku je nakon pravosnažnosti odluke o izboru dostavila Ugovor o predmetnoj nabavci u Pravobranilaštvo Općine Centar Sarajevo na mišljenje. Pravobranilaštvo Općine Centar Sarajevo je dana 07.12.2020.godine dostavilo ovoj službi obavijest za dopunu dokumentacije a koja se odnosi na odobrenje za građenje i dokaz o doznačenim sredstvima za ovu nabavku. Služba za javne nabavke, zajedničke poslove i informatiku je nakon pismene obavijest iz nadležne službe u čijoj je nadležnosti navedena nabavka, pismeno obavijestila Pravobranilaštvo Općine Centar da je postupak izdavanja urbanističke saglasnosti u toku, a da Ministarstvo privrede Kantona Sarajevo nije izvršilo prebacivanje sredstava na račun Općine Centar jer nije dostavljen Ugovor o izboru najpovoljnijeg ponuđača. Općina Centar Sarajevo i Ministarstvo privrede Kantona Sarajevo su potpisali Sporazum o sufinansiranju projekta regulacije riječnih korita na području Općine Centar Sarajevo 11.05.2020.godine, u kojem su jasno regulisana prava i obaveze sporazumnih strana. Obzirom da do određenog roka u potpisanom Sporazumu tj. do 31.12.2020.godine nije potpisan Ugovor za navedene radove, odnosno nije dato mišljenje na Ugovor o izvođenju radova na regulaciji Koševskog potoka, jasno je da nisu ispoštovane odredbe Sporazuma o prebacivanju dogovorenih sredstava. Nakon uloženog napora i komunikacije između nadležne službe, Pravobranilaštva Općine i Ministarstva privrede Kantona Sarajevo, nisu su stekli uslovi za provođenje Odluke o izboru prvorangirane ponude „GRAKOP“ d.o.o. Kiseljak broj: 02-11-5699/20 od 16.11.2020.godine, te se ista poništava, a samim tim i cijeli postupak javne nabavke.

Služba za investicije, komunalni razvoj i planiranje dostavila je dana 21.05.2021.godine obavijest o saznanju da su srestva predviđena za izvođenje radova na regulaciji Koševskog potoka preusmjerena u Budžetu Kantona Sarajevo za druge namjene.

Iz navedenih razloga, Ugovorni organ nije zaključio Ugovor sa izabranim ponuđem, odnosno nisu se ispunili uslovi za realizaciju istog.

Na osnovu izloženog, Općinski načelnik je prihvatio prijedlog Službe za javne nabavke, zajedničke poslove i informatiku, te se postupak predmetne nabavke otkazuje u skladu sa članom 69. stav (3), zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Ugovorni organ, na osnovu dokazivih razloga otkazuje predmetnu nabavku, jer se novonastala situacija nije mogla predvidjeti u vrijeme pokretanje postupka ove javne nabavke.

Kako su kumulativno ispunjeni uslovi za otkazivanje postupka predmetne javne nabavke, postupak se otkazuje, te će učesnik u postupku javne nabavke biće obaviješteni o istom.

Iz navedenih razloga, primjenom člana 69. stav (3) Zakona o javnim nabavkama („Službeni glasnik BiH“, broj 39/14), odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke shodno članu 101. Zakona.



Dostaviti:

1. „GRAKOP“ d.o.o. Kiseljak
Ul. Gromiljak bb 71 250 Kiseljak,
2. OD „SAN-BAX“ Ul. Gaj br. 29 71 210 Ilidža,
3. „SLT“ d.o.o. Zenica/Podružnica Sarajevo-Ilidža
4. Pravobranilaštvo Općine Centar Sarajevo
5. Službi za javne nabavke, zajedničke poslove
i informatiku,
6. Službi za investicije, komunalni razvoj i planiranje,
7. Arhivi.